

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 268975 25 St
Zenica, 19.03.2026. godine

Općinski sud u Zenici, stečajna sutkinja Sanja Pavlić, u stečajnom postupku koji je pokrenut po prijedlogu predlagatelja društva Nova Željezara Zenica, d.o.o., ul. Bulevar Kralja Tvrtka I broj 17., Zenica, koga zastupa Ahmed Hamzić, generalni direktor društva, protiv protupredlagatelja društva Nova Željezara Zenica, d.o.o., ul. Bulevar Kralja Tvrtka I broj 17., Zenica, koga zastupa Ahmed Hamzić, generalni direktor društva, za otvaranje stečajnog postupka nad samim sobom kao stečajnim dužnikom, 19.03.2026. godine, donosi:

R J E Š E N J E

Radi ispitivanja ekonomsko-financijskog stanja stečajnog dužnika određuje se vještačenje po vještaku financijske struke Babić Adisu iz Zenice. Zadatak vještaka je da na osnovu dostupne poslovne dokumentacije, financijskih izvještaja, knjigovodstvenih evidencija i drugih podataka, sačini nalaz i mišljenje o solventnosti stečajnog dužnika.

Nalaže se vještaku da Nalaz i mišljenje sačini u roku od 30 dana.

Vještak je dužan naloženi pismeni nalaz-mišljenje dostaviti u dva istovjetna primjerka.

Sud će posebnim rješenjem odrediti naknadu sudskom vještaku.

O b r a z l o ž e n j e

Predlagatelj, privredno društvo navedeno u uvodu rješenja, je podnijelo ovome sudu prijedlog za otvaranje stečajnog postupka nad istim društvom kao protupredlagateljem 17.12.2025. godine.

Sud je 11.02.2026. godine, donio Rješenje o pokretanju prethodnog stečajnog postupka i za privremenog stečajnog upravitelja imenovao Hadžirašidović Jasmina.

Podneskom od 03.03.2026. godine, privremeni stečajni upravitelj je predložio da sud u skladu sa odredbom čl. 70 Zakona o stečaju imenuje sudskog vještaka ekonomske struke. Sud je smatrajući prijedlog opravdanim u skladu sa odredbom čl. 70, a u vezi sa članom 102. stav 1. Zakona o stečaju („Sl. Novine F BiH“ broj: 53/2021, 19/25), odlučio kao u izreci.

Pravna pouka:
Protiv ovog rješenja nije dozvoljena žalba.

Stečajna sutkinja
Sanja Pavlić